



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 168. Declaratio Franciæ Principum adversus Ancræum, ejusque
Confortes.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

randam in Regis manu positum foret, nisi ergo hos duos, ejusque affeclas ex confortio Regis, ac Reginae Matris exterminaverit, gravissimum inde damnum secuturum sit. Paulopost die sexta Februarii Nivernii Dux ad Regem literas dedit, in quibus petebat, ut Rex interposita sua auctoritate impedire velit, ne ipse Ancræo, eique adhærentibus, sed duntaxat Principibus & Franciæ Paribus ad id convocatis judicandus permetteretur, cum paratus esset horum judicio sese submittere, ut ita & innocentia sua, hostiumque suorum malitia prodatur.

Sæc. XVII.
A. C. 1617.

§. CLXVIII.

Declaratio Franciæ Principum adversus Ancræum, ejusque Consortes.

Promulgata proscriptione Principes plurimas Perthici, Cenomani, Normaniæ & Campaniæ urbes, arcesque occuparunt; ut ergo Rex magis periculosos motæ seditionis progressus sisteret, copias suas in tria divisit agmina, Guisio in Campaniam, Montignio in Nivernium, & Alvernæ Comite in Suessiones irrumpere jussis. Præcipua belli moles ad Portianam arcem erat, quam Guisius crebra tormentorum ex-

*Gramond.
l. c. Calmet
Hist. Univ.
l. 151. n. 9.*

Sæc. XVII. plosione ad deditiōem die trigesima
A. C. 1617. Aprilis compulit, pactis hisce legibus.

I. Regi munimenta castrumque unacum
 bellico apparatu reddatur. II. Salvis
 impedimentis præfidiarii excedant ar-
 mati. III. Adigantur sacramento, ar-
 mis ut abstineant in Regem suum, toto
 trimestri abhinc numerando: postre-
 mus hic articulus plerisque bilem mo-
 vit, perinde acsi expleto hoc trimestri,
 militibus belli in Regem movendi fa-
 cultas data esset, unde illatum, Re-
 gem ipsum auctorem esse Rebellionis,
 bellique civilis: adeo prævalebat eo
 tempore obsequii modus in arbitrio sub-
 ditorum positus: Occupata hac arce
 Guisus motis ad Retellios castris urbem
 post octidui expeditionem deditiōe ce-
 pit, pluribus aliis locis in Regis pote-
 statem revocatis: sola Nivernensis Du-
 cis Conjux, forti animo scœmina, Ni-
 vernum urbem, cui se incluserat, ma-
 gnanimitate sexus sui conditionem exce-
 dente, adversus omnes Montignii in-
 sultus tamdiu strenue propugnabat, do-
 nec fama de Ancræi cæde ad ejus au-
 res pervenisset, qua cognita apertis
 urbis suæ portis Montignium, ut cum
 Regio exercitu intraret, rogabat: pari
 etiam promptitudine Mayenius Dux,
 qui ingenti prius strage regias Alver-
 niæ Comitibus copias fuderat, ad Ancræi
 truci-

trucidati nuntium Sueffionensem urbem Sæc. XVII.
 ultro tradidit. Priusquam vero hostis A. C. 1617.
 ille publicus, qualem hi Principes re-
 putabant, communis fere indignatio-
 nis victima cecidisset, rursus Lutetiæ
 Parisiorum divulgabatur diploma, in
 quo præfati Principes adversus An-
 cræum Marescallum, ejusque conjugem
 vehementer declamabant, exponentes,
 quod Itali hujus hominis humili loco
 nati avaritia, & regnandi libidine Con-
 dæus in vincula conjectus, Principes
 alii, iique Regi suo fidelissimi officiis
 suis amoti, & perversis ejusdem ne-
 farii machinationibus proscriptionis pœ-
 na mulctati fuerint, ipse vero solus ce-
 teris e medio sublatis, aulaque depul-
 sis, & Parisiensi Senatu ferme oppres-
 so ad Regni clavum sedere ambiat, at-
 que omnia Sacra & profana ad se u-
 num pertrahens, ipsum quoque Regem
 nonnisi inani titulo gratis relicto, suæ
 ambitioni obnoxium faciat, & Regii
 Sanguinis Principes non alia ex caus-
 sa, nisi quod cervicem ejus sicariis præ-
 bere noluerint, atque perversis ejus-
 dem conatibus obstiterint, structis un-
 dique eorum vitæ insidiis insequatur,
 imo libertatem, ipsasque oppressorum
 querelas sua subpotestate habeat, cum
 vel ingemiscere crimen oppressis esset.
 His addebant, quod Ancræus, ejus-

Qq 5

que

Sæc. XVII. que uxor de vitæ Regis fratrisque tui
A.C. 1617. spatio ac diuturnitate Medicum Mont-
 altum, Magos & Ariolos interroga-
 rint, forte etiam veneficis suis artibus
 utrique finem vitæ constituentes.
 Ancræus vero cum Hispanis, ut si e
 Galliis adversa tempestate fors detur-
 betur, securum ibidem haberet asy-
 lum, clandestina foverit consilia, eum-
 que in finem exterum militem in præ-
 fidia finitima introduxerit, novumque
 in Belgio exercitum collegerit. *His
 aliisque de causis, inquiebant Principes,
 omnibus, & singulis testamur, quod extre-
 ma necessitate coacti, oppressam ab Ancræo,
 ejusque Sociis libertatem, Regis, Regnique
 Majestatem vindicare decreverimus, horta-
 murque omnes, qui se genuinos Gallos pro-
 fitentur, nostris accedant partibus, relicto-
 que Ancræi studio ad obedientiam Regi,
 Regnoque debitam revertantur: Hoc si ne-
 glexerint, omnem miseriarum, quas in hoc
 bello perpessuri sint, causam sibimetipsis ad-
 scribant: Eadem enim cum iis, qui tanta
 facinora vel tacendo approbarunt, vel con-
 nivendo promoverunt, pœna dignos esse,
 literis hisce publicis constanter asseveramus.*

§. CLXIX.

*Ancræus Marescallus Rege conscio e
 medio sublatus.*

Divul-